



REPUBLIKA E SHQIPÉRISË
KËSHILLI I MINISTRAVE

VENDIM

Nr. 209, datë 10.4.2019

PËR

PËRBËRJEN, MËNYRËN E FUNKSIONIMIT, KOMPETENCAT
DHE SHPËRBLIMIN E ANËTARËVE TË KËSHILLIT KOMBËTAR
TË TRASHËGIMISË KULTURORE JOMATERIALE

Në mbështetje të nenit 100 të Kushtetutës dhe të pikës 2, të nenit 37, të ligjit nr.27/2018, "Për trashëgiminë kulturore dhe muzetë", me propozimin e ministrit të Kulturës, Këshilli i Ministrave

VENDOSI:

I. Dispozita të Përgjithshme

Ky vendim ka për qëllim të rregullojë përbërjen, mënyrën e funksionimit, ushtrimin e kompetencave dhe shpërblimin e anëtarëve të Këshillit Kombëtar të Trashëgimisë Kulturore Jomateriale.

II. Përbërja e Këshillit

1. Këshilli Kombëtar i Trashëgimisë Kulturore Jomateriale (KKTKJ) është organ kolegjial vendimmarrës pranë ministrisë përgjegjëse për trashëgiminë kulturore.
2. KKTKJ-ja përbëhet nga 11 anëtarë: nga ministri përgjegjës për trashëgiminë kulturore, që e kryeson, dhe 10 anëtarë që emërohen prej tij.
3. Anëtarë të KKTKJ-së janë:
 - a) Ministri përgjegjës për trashëgiminë kulturore;
 - b) Drejtori i Qendrës Kombëtare të Veprimitarive Tradicionale (QKVT);
 - c) Përfaqësues nga drejtoritë përgjegjëse për çështjet e trashëgimisë kulturore jomateriale në ministrinë përgjegjëse për kulturën 2;
 - c) Përfaqësues i Institutit Kombëtar të Regjistrimit të Trashëgimisë Kulturore (IKRTK) 1;
 - d) Jurist i ministrisë përgjegjëse për trashëgiminë kulturore 1;

- dh) Përfaqësues i Institutit të Antropologjisë Kulturore dhe Studimeve të Artit 1;
- e) Personalitetë të fushës së trashëgimisë kulturore jomateriale, të cilët kanë një eksperiencë të pasur profesionale ose akademike në disiplinat e etnografisë, etnomuzikologjisë, organologjisë, etnokoreologjisë, folklorit apo menaxhimit të trashëgimisë kulturore jomateriale 4.
4. Anëtarët e KKTKJ-së përbushin detyrën e përgjegjësitë e tyre dhe deklarojnë çdo rast të konfliktit të mundshëm të interesit, në përputhje me ligjin nr.9367, datë 7.4.2005, "Për parandalimin e konfliktit të interesave në ushtrimin e funksioneve publike", të ndryshuar.
5. Mandati i anëtarit të KKTKJ-së është 2 vjet, me të drejtë riemërimi. Anëtarë qëndron në detyrë dhe përbush funksionet deri në emërimin e anëtarit të ri.
6. Anëtarë i KKTKJ-së, i parashikuar në shkronjat "c", "ç" dhe "d", të pikës 3, të këtij kreu, propozohet nga titullari përkatës, duke u bazuar në kriteret, si më poshtë:
- a) Të jetë nëpunës/punonjës i nivelit drejtues të një drejtorie ose sektori;
 - b) Të gëzojë reputacion të lartë profesional;
 - c) Të ketë njohuri për trashëgiminë kulturore jomateriale;
 - d) Të ketë jo më pak se 5 (pesë) vjet përvojë pune në institucionet e trashëgimisë kulturore;
 - e) Të mos jetë i dënuar me vendim të formës së prerë për kryerjen e ndonjë vepre penale;
7. Anëtarë i KKTKM-së, i parashikuar në shkronjat "dh" dhe "e", të pikës 3, të këtij kreu, propozohet nga titullari përkatës, duke u bazuar në kriteret, si më poshtë:
- a) Të jetë nga radhët e personelit akademik, të punësuar me kohë të plotë ose të pjesshme, të institucioneve të arsimit të lartë, publik ose privat, të licencuar e akredituar sipas legjislacionit në fuqi për arsimin e lartë;
 - b) Të ketë përvojë në punë jo më pak se 10 (dhjetë) vjet në fushën e trashëgimisë kulturore materiale;
 - c) Të zotërojë tituj akademikë.
8. Mandati i anëtarit të KKTKJ-së mbaron kur:
- a) përfundon afati 2-vjeçar, nga emërimi;
 - b) lirohet nga funksioni zyrtar, përvëç personaliteteve nga fusha e trashëgimisë kulturore jomateriale;

c) jep dorëheqjen.

9. Anëtar i KTKJ-së lirohet nga detyra para mandatit, nga ministri përgjegjës për trashëgiminë kulturore,:

- a) kur nuk merr pjesë, pa arsy, në 2 mbledhje të njëpasnjëshme të KTKJ-së;
- b) për shkaqe objektive, që e bëjnë të paaftë për të kryer funksionet e ngarkuara;
- c) kur nuk përmbush detyrimet si anëtar i KTKJ-së;
- ç) kur dënohet me vendim penal të formës së prerë për kryerjen e një vepre penale;
- d) kur veprimet apo mosveprimet e tij kanë dëmtuar rëndë veprimitarinen dhe emrin e KTKJ-së.

III. Organizimi dhe funksionimi i këshillit

1. KTKJ-ja mblidhet jo më pak se një herë në 6 muaj. Mbledhjet e këshillit thirren nga kryetari dhe njoftimi përcillet nga sekretaria teknike, të paktën, 3 ditë përpara datës së caktuar për mbledhjen. Në raste të veçanta, mbledhja zhvillohet edhe në një ditë të ndryshme nga ai i njoftimit, kur janë të pranishëm të gjithë anëtarët, të cilët miratojnë, paraprakisht, zhvillimin e mbledhjes. Vendimi reflektohet në procesverbalin e mbledhjes.
2. Njoftimi për thirrjen e mbledhjes përban vendin, datën, orën e mbledhjes dhe rendin e ditës. Njoftimit i bashkëlidhen edhe materiale të tjera, lidhur me çështjet e rendit të ditës. Rendi i ditës miratohet nga kryetari.
3. Mbledhja e këshillit mund të kërkohet edhe nga 1/3 e anëtarëve, duke i drejtuar kërkesë ministrit përgjegjës për trashëgiminë kulturore. Zhvillimi i mbledhjes, në këtë rast, miratohet nga kryetari dhe u njoftohet të gjithë anëtarëve.
4. Mbledhja e KTKJ-së është e vlefshme kur janë të pranishëm më shumë se gjysma e anëtarëve të tij. Në rast të mosarritjes së kuoromit të këruar, kryetari thërret mbledhjen pasardhëse.
5. KTKJ-ja vendos me shumicën e thjeshtë të votave të anëtarëve të pranishëm.
6. Vendimet e KTKJ-së merren me votim të hapur.
7. Anëtarët e KTKJ-së, që janë të pranishëm në mbledhje, nuk mund të abstenojnë.

8. Kryetari i KKTKJ -së voton i fundit. Në rastet kur votat ndahen në mënyrë të barabartë, vota e kryetarit është përcaktuese.
9. KKTKJ-ja asistohet në veprimtarinë e saj nga sekretaria teknike pranë QKVT-së.

IV. Kompetencat e këshillit

1. Këshilli Kombëtar i Trashëgimisë Kulturore Jomateriale, përfshirë edhe ato të përcaktuara në nenin 39, të ligjit nr.27/2018, “Për trashëgiminë kulturore dhe muzetë”, ka këto kompetencia:
 - a) Mbikëqyr veprimtarinë në fushën e pasurive kulturore jomateriale;
 - b) Miraton, në parim, kërkesën për deklarimin e interesit kulturor;
 - c) Harton dhe miraton strategjinë dhe programe të zhvillimit në fushën e trashëgimisë kulturore jomateriale;
 - c) Ndjek dhe mbikëqyr veprimtaritë që zhvillohen në fushën e trashëgimisë kulturore jomateriale;
 - d) Propozon programe pune për edukimin nëpërmjet trashëgimisë kulturore jomateriale;
 - (dh) Miraton planin vjetor të aktiviteteve kombëtare që zhvillon Qendra Kombëtare e Veprimitarive Tradicionale;
 - e) Propozon projekte dhe masat që duhen ndërmarrë për ruajtjen e mbrojtjen e vlerave të trashëgimisë kulturore jomateriale, sidomos atyre që janë në rrezik;
 - ë) Propozon e miraton programin e katalogimit dhe digitalizimit të trashëgimisë kulturore jomateriale, që realizohet në Institutin Kombëtar të Regjistrimit të Trashëgimisë Kulturore;
 - f) Propozon dhe miraton vlerat e trashëgimisë jomateriale kombëtare për regjistrim në listën përfaqësuese të dukurive jomateriale të UNESCO-s;
 - g) Miraton propozimet e QKVT-së për “Kryevlerat Kombëtare të Trashëgimisë Kulturore Jomateriale”;
 - gj) Shqyrton propozimet e subjekteve të ndryshme për regjistrim në listën përfaqësuese të dukurive jomateriale të UNESCO-s.
2. Me qëllim ushtrimin e kompetencave mbikëqyrëse, KKTKJ-ja mund të kërkojë sqarime për çështje të caktuara ose raportime nga QKVT-ja apo institucione të tjera të specializuara. KKTKJ-ja mund të ngarkojë këto institucione edhe me detyrimin e kryerjes së raportimeve periodike për çështjet që janë kompetencë e këtij organi. Për raste të veçanta, KKTKJ-ja fton si pjesëmarrës të jashtëm në mbledhje edhe specialistë të fushave të ndryshme të trashëgimisë kulturore jomateriale.

3. KTKJ-ja shqyrton kërkesën për deklarimin e interesit kulturor mbi bazën e vendimit të komisionit këshillimor përkatës për vlerësimin dhe identifikimin e vlerave kulturore, të ngritur sipas nenit 59, të ligjit nr.27/2018. Institucioni i specializuar përkatës përcjell për miratim, në parim, pranë KTKJ-së vendimin e komisionit dhe dokumentacionin shoqëruesh.

V. Shpërbimi i anëtarëve të këshillit

Shpërbimi për pjesëmarrje në mbledhje, për çdo anëtar, bëhet sipas vendimit përkatës të Këshillit të Ministrave për përcaktimin e masës së shpërbimit të këshillave, bordeve ose komisioneve të njësive të qeverisjes qendrore.

VI. Dispozitat e fundit

Ngarkohen Ministria e Kulturës, Këshilli Kombëtar i Trashëgimisë Kulturore Jomateriale dhe institucionet e tjera në fushën e trashëgimisë kulturore për zbatimin e këtij vendimi.

Ky vendim hyn në fuqi pas botimit në "Fletoren zyrtare".

KRYEMINISTRI

EDI RAMA

Në mungesë dhe me porosi

ZËVENDËSKRYEMINISTRI

ERION BRAÇE

MINISTRI I KULTURËS

ELVA MARGARITI

